



La Comunitat de Treball dels Pirineus (CTP) indica los problemes de la frontera pirenenca que concernisson cada jorn miliers de personas

- **Lo 19 de genièr se debana a Barcelona lo cimèl francoespanhòl, moment idonèu per cercar de solucions conjonchas als problemes partejats dins aqueste airal frontalièr.**
- **La Comunitat de Treball dels Pirineus (CTP) es un consòrci transfrontalièr que trabalha per desvolopar lo territòri e melhorar la vida dels sieus abitants.**
- **La CTP es formada pels sèt territòris frontalièrs pirenenics: Euskadi, Navarra, Aragon, Catalonha, Nòva Aquitània, Region Occitània e Andòrra.**

Jaca, 18 de genièr de 2023. La Comunitat de Treball dels Pirineus (CTP) met sus la taula los problemes e los obstacles frontalièrs que viu cada jorn la poblacion del territòri pirenenic a l'escasença del cimèl francoespanhòl que se debanarà a Barcelona lo 19 de genièr.

Dins aqueste sens, la CTP considera qu'aqueste cimèl ofrís una escasença excellenta per que sián preses en consideracion los principals acòrdis obtinguts dins lo 40ⁿ Conselh Plenari celebrat lo 30 de novembre passat a Arantzazu (Guipuscoa). Dins aqueste eveniment, los representants dels sèt territòris que fan partida de la CTP, Euskadi, Navarra, Aragon, Catalonha, Nòva Aquitània, Region Occitània e Andòrra, aprovèron la Declaracion de lors presidents que rapòrta, entre d'autres acòrdis, los següents:

- lo besonh de la dobertura dels passatges frontalièrs blocats dempuèi genièr de 2021 per las autoritats francesas, revendicacion plenament partejada per l'ensem d'actors de l'espaci transfrontalièr, concernits e conscients qu'es necite contunhar d'aprigondir en la constitucion d'un ciutadanitge transfrontalièr plenament integrat.
- Lo besonh ineluctable de definir e aplicar lo Mecanisme Europèu de Cooperacion Transfrontalièra (ECBM) coma aisina que contribuísca a resòlver los obstacles legals e administratius que deu acarar lo territòri transpirenenic. Òm fa apèl als Estats espanhòl e francés, ansin qu'a la Comission Europèa a seguir aquesta draia, en cercant lo consensus.

- Lo sosten al desenvolupament de las infraestructuras transpirenencas que contribuiràn a diversificar las procedéncias del provesiment energetic, e tanben a fomentar la descarbonizacion mejançant l'emplec de fonts d'energia renovelable, coma l'idrogèn verd e lo biometan. A mai, lo Conselh Plenari reclama que las Regions e las Comunautats Autonòmas sián incorporadas als procèsses de decision
- Lo sieu engatjament per impulsar l'adopcion d'un Protocòl de cooperacion transpirenenca per la promocion de l'idrogèn renovelable, amb la tòca de crear un espaci transfrontalièr de desplegament de l'economia de l'idrogèn, en tot refortir lo posicionament dels territòris e en lor permetent d'aténher los objectius de descarbonizacion determinats per las estrategias estatalas e europèas.

La Declaracion complèta ont se meton en evidéncia aqueles subjèctes es disponibla sus la pagina web de la CTP:

- Euskara https://ctp.org/wp-content/uploads/2023/01/DECLARACION_CONSEJO_PLENARIO_2022_VF_EU.pdf
- espanhòl https://ctp.org/wp-content/uploads/2023/01/DECLARACION_CONSEJO_PLENARIO_2022_VF_ES.pdf
- catalan https://ctp.org/wp-content/uploads/2023/01/DECLARACION_CONSEJO_PLENARIO_2022_VF_CA.pdf
- francés https://ctp.org/wp-content/uploads/2023/01/DECLARATION_CONSEIL-PLENIER-2022_VF_FR.pdf
- occitan https://ctp.org/wp-content/uploads/2023/01/DECLARACION_CONSEJO_PLENARIO_2022_VF_OC.pdf

Los membres de la CTP considèran que la reünion entre los Govèrns espanhòl e francés constituís una escasença excellenta pel refortiment de las relacions entre ambedós estats per çò d'aquestes subjèctes, e manifèstan la siá disposicion a contribuir, dempuèi lors respectivas competéncias, al debat e a la collaboracion per far avant en las prioritats dels territòris pirenenics.

Units per un desenvolupament conjonch e sostenible

La Comunautat de Trabalh dels Pirenèus (CTP) es un consòrci internacional qu'a per tòca principala contribuir al desenvolupament del massís pirenenic en tot prene en compte las siás escomesas, en preservant las siás riquesas e en fomentant la cooperacion territoriala, en particular, la cooperacion transfrontalièra per melhorar la vida dels abitants dels sieus territòris.

Los membres de la CTP son los territòris pirenenics: Nòva Aquitània, Region Occitània, Catalonha, Aragon, Navarra, Euskadi e lo Principat d'Andòrra.

La CTP nais en 1983 amb lo sosten del Conselh d'Euròpa qu'aspira a dotar la zòna pirenenca d'una estructura de cooperacion transfrontalièra similara a las existentas dins d'autras frontièras europèas.

En 2005, la CTP se transforma en un consòrci, entitat jurídica subjècta al drech public espanhòl, que li apòrta un nòu impuls d'intervencion, mai que mai dins l'encastre de la gestion de fons e dels programas europèus Interreg VI-A Espanha-França-Andòrra (POCTEFA 2021-2027), POCTEFA 2014-2020 e POCTEFA 2007-2013.

Per mai d'informacions

Cristina Igoa

c.igoa@poctefa.eu

Responsabla de comunicacion

Comunautat de Trabalh dels Pirenèus